

PLOANIES SAN MARTIN Y LUNGIARÜ

I sèis bel invia, incö domënia, 2 d'otober, dales 17.00 tla dljia da San Martin al „**Cianté a Santa Maria**“ cun Familia Oberhöller, Tlarinec da La Val, Jasmin Rives cun erpa, Trio a per sorëdl, Cuartet Göma y siur Iaco Ploner; organisé da Südtiroler Volksmusikkreis P.

En jöbia, ai 6 d'otober, recorda la Ploania da San Martin y la Uniun dles Patrones cun ligrëza y reconescënza che siur Ujöp Freinademetz, caplan da San Martin y miscionar tla Cina, é gnü detlaré sant ai 5 d'otober 2003. I ves inviuin ala **prozesciun cun ciandëres** do le tru de meditaziun, pian ia da Pradel dales 19.30, y dedô a na picia funziun te dljia. Ince i paisc dlungia é bel invia. Präibel tolësse do na ciandëra o na linterna.

PLOANIA SAN MARTIN

Recordesse da dé jö incö, domënia, 2 d'otober, 18.00, tla lada apé de dljia, la zetola de **prelita por le consëi de cöra** nü. Sc'i n'esses nia ciafé la zetola o l'esses desmentida, podëise nen ciafé öna do la gran mëssa da n mëmber dl comitè.

Düc chi da San Martin é dër bel invia **da se prenoté incö** domënia, 02/10, cina insnöt, por le iade cun n bus ala **fiesta de 1700 agn San Martin da Tours**, ai 16 d'otober, dales 15.00, tl Dom da Porsenü pro Leo Crepaz 348 40 96 351. Le cost é de 10 € porom, chi sot a 18 agn vá debann. Les families che vëgn é dër bel invia des do se tó cun ëres val' da mangé da mëte sön mësa che vëgn do mëssa metü adöm y partí sön plaza dl dom; Chësta „agape“ do mëssa vëgn tignida por recordé la generosité de San Martin. Ci che vëgn trat ite vá a bëgn dles Misciuns. Gnide tröc.

PLOANIA LUNGIARÜ

La Uniun dles Ères da Lungiarü organisëia n curs de döes sères ai 12 y 13 d'otober dales 19.30 - 23.00 tla palestra da Lungiarü: Tecniches nöies da **decoré ciandëres** por Gnissant y Nadé cun scrites y motifs nüs. I ciaféis na mapa cun i motifs y dic por ladin da mëte sô atira. Tl curs vëgnel fat 5 sorts de ciandëres. Info y prenoté pro Anita 329 22 39 402

Le **Grup Sportif dl Cör Val Badia** vá indô inant cun süa ginastica vigni lönesc dales 18.00 - 19.00 tla palestra da San Martin por döt l'ann de scora. Invia é chi che á problems cun le cör. I interessá pó gní pomez a odëi y porvé fora. Le cost dl curs é de 150 € al ann. Le curs vëgn tigní dal maester spezialisé Markus Winkler. Tratan le curs él garantí la presënza de n dotur. Info: Markus 338 58 67 867 o Renato Paratscha 348 74 57 309.

La ponsiun injuntada é le secundo pilaster **por suravire da vedli**. La referënta Judith Gögele spliga le sistem nü: Ci comporta pa le laur a tēmp parzial y ci vantaji á pa la ponsiun injuntada, en dedemesaledema, 05/10, dales 19.30 tla biblioteca d'Al Plan.

Curs por geniturs che á mituns da 0 – 18 agn, ai 18, 21 y 28 d'otober, dales 9 ales 12, a La Ila Cassa Raiffeisen. Referënt: Roland Feichter; info y iscriziun: tel. 338 30 78 479

Döt le bun a chi che complësc i agn d'otober

a San Martin: Maria Clara Verginer che nen complësc 86 ai 2
Anna Mairunteregger che nen complësc 85 ai 18
Giovanni Trebo che nen complësc 85 ai 21
Martin Rives che nen complësc 82 ai 29
Sepl Flöss che nen complësc 88 ai 31

a Lungiarü Rita Zingerle Clara che nen complësc 85 ai 7



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

02.10. - 09.10.16 nr. 45

termo da publiché: jöbia 20.00
radio: 90,40 / 93,70

27^a DOMËNIA IA POR L'ANN - C

Vangele do San Lüca 17,05-10

Le Signur ti â dit ai apostui:

Sce un de os à n stláv che é pro l'arè o che verda i tiers,
ti dijel forsc canch'al vëgn dal ciampoprè: Fate atira pomez a mangé?
Ne dijarál nia plülere:

Fame val' da mangé, arjignete y sorvësceme,
y do ch'i arà mangé y boiü,
poste ince tö mangé y bëre.

Ti dñjel mo dilan al stláv,
deach'al à fat éi ch'al gnü comanè de fà?

Insciö déssera ince ester pro os:

Canch'i arëis fat döt éi ch'i sëis gnüs comanà da fà,
desses di: I sun de püri stláv, i ùn fat nosc dovëi.

San
Francësch
d'Assisi



„De püri stlavs da nia“ nes dij Gejú; y deplü ne sunse pa gnanca.
Ci ch'i fajun, ne fajunse nia por se fá mirit dan da Chël Bel Dî,
mo i le fajun por ti dí dilan ch'al s'á scinché la vita y ch'al ciara de nos
- insciö la vëiga Gejú.

Nosta vita n'é nia na domanda ch'i ti fajun a Chël Bel Dî, o n patajé cun ël,
ara n'é nia d'ater co na resposta de dilan a Chël Bel Dî.

Chi che la vëiga insciö vir atramënter,
süa vita n'á nia ma n'atra direziun, mo ince n'atra cualité:
L'ater, le püre che á debojëgn d'aiüt, anfat por ci gauja, tira dant y vëgn por pröm
deache iö á bele ci ch'i adori o almanco le ciafi adora o dert.
Sc'i vëighi mia vita sciöche n'aziun de dilan a Chël Bel Dî,
ne mëssi nia ciaré impröma de me instës y me cruzié: Che me dá pa...?
Idí te dá - dij Gejú.

I ciarun madër incëria, tan de cosses che é nostes, le mangé, le tët sura le ce,
les porsones che nes ó bun y fistidiëia por nos: döt scincundes por nos.
Cun ci rajun ne dessun pa nia vire cun reconescënza y respogne:
I sun ma de püri fanc da nia, o Dî, túa orenté sides fata.

	<i>SAN MARTIN</i>		LUNGIARÜ
02.10.16 27^a DOMËNIA – ANN C Segra dl Rosare	9.00 Prozesciun dl Rosare 09.30 Gran Mëssa 17.00 Cianté en onú de S. Maria (VMK Südtirol)	02.10.16 Domënia	7.55 Corona dan y do mëssa 8.15 Gran Mëssa a d'intenziun dl grup dla corona 11.00 Bato de Marc Daporta , Grones 15.00 Corona tla capela de S. Ujöp da Oies
03.10.16 Lönesc <i>Ewald, Cristina, Udo</i>		03.10.16 Lönesc	
04.10.16 Dedolönesc <i>Francësch d'Assisi</i>	15.30 Mëssa a Picolin dl ann + Maria Tolpeit; ++ Burchia ++ Videsott, Picolin; ++ Alfred y Erica Videsott	04.10.16 Mertesc	
05.10.16 Dedemesaledema <i>Faustina Kowalska</i>		05.10.16 Mercui	7.30 Mëssa de rengraziamënt fam. Giovanni Costa ++ de Lüca y Hannele Sorá; + Emma Rubatscher Pezzei Corona 20.00 Referat de siur Tone Fiung <i>“L’oraziun privata y te familia”</i>
06.10.16 Jöbia <i>Bruno, Renat</i>	7.30 Mëssa di scholars dl ann + Maria Pedevilla ++ Pedevilla, Ju; + Edmund Frenner a d'intenziun por Sepl Flöss Corona por vocaziuns 19.30 Prozesciun cun ciandëres por recordé la canonisaziun de S. Ujöp Frëinademetz da Pradel por le tru de meditaziun y funziun te dlijia	06.10.16 Jöbia	
07.10.16 vëndres <i>Santa Maria dal Rosare, Rosa</i> <i>Pröm Vëndres</i>	8.30 Comuniun ai amará a Lungiarü y S. Martin 18.30 Adoraziun chita 19.00 Adoraziun deboriada	07.10.16 Vëndres	7.30 Mëssa por vis y ++ de Albina Pezzei ++ Franz y Veronica Costa; + Ida Clara Verginer Corona 8.30 Comuniun ai amará a Lungiarü y S. Martin
08.10.16 Sabeda <i>Scimun, Laurënzia</i>	14.00 Noza de Martina Sorá y Roman Rungger 15.30 Mëssa tla Ciasa de Palsa 18.30 Mëssa prefestia por i nüc Hannes Sorá y Veronica Craffonara + Elena Rubatscher Zingerle; por les Animes	08.10.16 Sabeda	20.00 Mëssa prefestia de rengraziamënt de fam. Hubert y Maria Pezzei dl ann de + Hermann Pezzei dl ann de + Nisio Clara
	<i>Pordicadú por les Misciuns te trames les ploanies: siur Gustl Freinademetz (MHM)</i>		
09.10.16 28^a DOMËNIA – ANN C	9.00 Corona 09.30 Gran Mëssa 11.00 Bato de Maximilian Menegot	09.10.16 Domënia	<i>Segra – aniversar dla consacraziun dla dlijia</i> 7.55 Corona dan y do mëssa 8.15 Gran Mëssa 15.00 Corona tla capela de S. Ujöp da Oies